

LSW STUDIEN INFO BROSCHÜR 2018



VIRWUERT VUM PRESIDENT

Lou Pepin
President vum LSW



Servus

Léif Frënn an Frëndinnen vum LSW,

Mat der Decisioun op Wien studéieren ze kommen, fänkt en neit Kapitel an dengem Liewen un. Domadder verbonnen sinn Froen, wei zum Beispill wou an wat een studéieren soll. Dës Broschür huet dowéinst d'Ziel dir wichteg Informatiounen iwwer Studium, Unien an d' Liewen zu Wien ze presentéieren, fir dir bei dëser wichteger Entscheidung ze hëllefen. Donieft stellen mir eisen Cercle an seng eenzel Aufgaben an Evenementer fir.

Eng éischt Missioun vum LSW besteet doran ze informéieren an soumat zukünftegen an aktuellen Studenten an Studentinnen bei allen Froen an Problemer zur Säit ze stoen. An dësem Sënn sinn mir en permanenten Uspriechpartner, wat zum Beispill Studium, administrativ Affären oder all méiglech Fro zu Uni an Studium betrëfft.

Den zweeten Optrag vum eisem Cercle ass et d'Lëtzebuurger Studenten an Studentinnen zu Wien zesammenzebréngen. Sou organiséieren mir am Laf vum Studiëjoer verschidden Evenementer. Nieft eisen Stammdëscher, eisen Pubquizen oder eisem traditionellen Sau-Fest, organiséieren mir och sportlech Aktivitéiten, wei beispillsweis een Beachvolleyball Tournoi. Ausserdeem

sinn mir och zu Lëtzebuerg um Studentebal vun der ACEL oder mat eisem Hüttenzauber vertraueden.

Wat Wien als Staat betrëfft, bass de hei garantéiert gutt opgehuewen. Éischtens ass Wien säit Joren eng vun den Stied mat der beschter Liewensqualitéit vun der Welt. Zweetens zeechent sech Wien och duerch eng immens Villfalt un Universitëiten, Héichschoulen an Studiëgäng aus. Zu Wien gëtt nämlech sou gutt wei all méiglech Studium ugebueden. An als lescht soll nach kuerz gesot sinn, dass Wien kulturell immens vill ze bidden huet an, dass all Dag eng lass ass.

Mir hoffen mir kënnen dir hëllefen. Falls du nach weider Froen hues, zeck net dech bei eis iwwer Email oder Facebook ze mellen. Mir géingen eis freeën dech deemnächst zu Wien begrëssen ze kënnen.
Lou

INDEX

5

- 5 **Wien**
Allgemeng Informatiounen iwwert
d'Hauptstad vun Éisträich

- 6 **Praktesch Informatiounen**
Transportméiglechkeeten bis op Wien,
Logement, ëffentlechen Transport

- 9 **Studenten am Interview**
Wou gees du zu Wien am léifsten
eraus?

- 10 **Unien zu Wien**
Wat an wou kann ech zu Wien
studéieren?

- 18 **Lëtzebuerger Studente Wien**
Virstellung vum LSW, sengen Aktivitéiten
an dem Comité

- 24 **Rezept: Wiener Schnitzel**

- 25 **Wieneresch - Lëtzebuergesch**

- 26 **Impressum**



WIEN



D'Hauptstad an Zuelen

1.888.776	Awunner (1. Januar 2018)
195.337	Studenten (2015/16)
23	Bezierker
414,87	km ²
4553	Awunner pro km ²
1t	Platz an der Mercer Studie 2018 vun der Liewensqualitéit

Wien, d'Hauptstad vun Éisträich, ass, mat knapps 1,9 Milliounen Awunner, déi zweetgréisst Stadt am däitsch-sproochegen Raum no Berlin. D'Hauptstad ass virun allem bekannt, wéinst senger impressionanter Architektur, souwuel den historeschen Zentrum wéi och d'Schlass Schönbrunn gehéieren zum UNESCO-Weltkulturierwen.

Och wann een bei Wien direkt un den Kaiser Franz an d'Kaiserin Sissi denken muss, huet Wien däitlech méi ze bidden, souwuel historesch wéi och kulturell. Nieft der weltbekannter Architektur an der Geschicht vun Wien, kann een bei engem Besuch vum Wiener Prater duerch en schéinen groussen grénge Park trëppelen, awer och op engem vun den villen Open Air Evenementer den Dag genéissen.

Am Summer kann een gemittlech op engen vun den villen Strandbaren den Dag auskléngen loossen oder et kann een den Dag op der Donauinsel verbréngen wou een schwammen goen oder Beachvolley-

ball spillen kann. An am Wanter huet een d'Méiglechkeet an manne wéi enger Stonn vun Wien ewech, Ski oder Snowboard fieren ze goen.

Des weideren gëtt et zu Wien eng Rëtsch international Organisatiounen wéi zum Beispill d'OPEC, een vun den Sëtzer vun der UNO souwéi "Internationale Atomenergie Organisation" (IAEO). Ausserdeem gëllt Wien als eng Stad mat héijer Liewensqualitéit. Bei der internationaler Mercer Studie 2018, bei wéi enger d'Liewensqualitéit unhand vun 39 Kritären ënnert 231 Stied op der ganzer Welt verglach gëtt, beleet Wien fir déi néngten Kéier hannerteneen déi éischten Platz.

Wat Bildung betrëfft, bitt Wien sengen bal 200.000 Studenten all méiglech Studienrichtungen op iwwert 20 Universitëten, Fachhéichschoulen an privaten Universitëten.

PRAKTESCH INFOR - MATIOUNEN



Transport

Den öffentliche Transport zu Wien heescht Wiener Linien. Am Joer 2015 sinn insgesamt 698.968 Joreskaarten verkaf ginn, dëst ass och net verwonnerlech bei deen villen Méiglechkeeten déi engem zur Verfügung stinn. Wann een d'Streckennetz vun Ubahnen, Bussen an Stroossenbunnen zesummenzielt kënnt een ob insgesamt 1.147,8 Kilometer. Am ganzen ginn et 5 Ubahnen (U1, U2, U3, U4 an U6), woubäi een nach erwänen muss dass ab 2023 U5

als 6. Ubahnlinn dobäikënnt. Stroossenbunnen ginn et insgesamt 29 Stéck zu Wien an zousätzlech ginn et nach eng ronn 127 Buslinien. Weekends oder op Feierdeeg fueren d'Ubahnen déi ganz Nuecht duerch.

Als Student kann een fir 150 € bei den Wiener Linien ee Semesterticket kafen, dëst gëllt fir all Transportmëttel innerhalb der Kernzone. Den Flughafen vun Wien leit zu Schwechat an ass domadder net méi innerhalb vun dëser Zone, mais fir weider 2,20 Euro kann een mam Zuch den Flughafen schnell an bëlleg erreichen.

Vëlo

Wien ass eng vëlosfrëndlech Stad. Insgesamt ginn et 1.298km Vëlospisten déi et engem erméiglechen schnell an einfach vun A ob B ze kommen. Deem no wou ee wunnt ass een méi séier mam Vëlo op der Uni wéi mat der U Bahn oder mat der Stoessebunn. Falls ee keen eegenen Vëlo huet kann een sech fir 1€ een Account bei enger vun den

121 City-Bike Statiounen oder um Internet maachen. Mat dësen Vëloen kann een dann all Kéiers fir 1 Stonn gratis fueren.

Den Vëlo ass awer net nëmmen als Transportmëttel nützlich zu Wien, mais och fir d'Stad selwer ze erkënnegen. Et kann een zum Beispill déi ganz Ring-Strooss eng Kéier offueren an dobäi déi schéin Gebaier bewonneren oder en klengen Ausflug op d'Donauinsel maachen.

Nützlich Apps

Qando: Duerch d'aginn vum Start- an Zielpunkt berechent dës App déi séierst Méiglechkeet, fir mam öffentliche Transport, un dän Ziel ze kommen.

Studo: D'App fir dän Studium. Nom

aloggen mat dengem Uni-Account hues du souwuel, deng Couren, deng Notten, wichteg Informatiounen etc. an enger App.

Bike Citizens: Lued der d'Kaart vun Wien erof an d'App seet der wéiste mam Vëlo un dän Ziel kënns.

Lëtzebuerg - Wien

Déi séierst Aart an Weis fir vun Lëtzebuerg op Wien ze kommen ass mam Fliger, soulaang een ënner 25 Joer ass kritt een, bei der Luxair, nach den Studentepräis deen bei ongeféier 190 € Aller-Retour läit. Puermol am Joer kommen dann verschidden Offeren wou een och mol en Vol fir 99 € oder 129 € Aller-Retour kritt. Dës Offer ass och net begrenzt op en Alter. Zäit vum Vol leit bei 1.15 bis 1.45 Stonnen.

Eng weider Méiglechkeet ass den Zuch. De Präis ass, wann een fréi genuch un ass, bei

69 € One-Way. D'Zuchfaart dauert 11 Stonnen an et muss een puer Mol ëmklammen. Och den Flixbus ass eng méiglech Alternativ. Flixbus bitt eng Direktverbindung Lëtzebuerg Wien un, dës Busfaart dauert knapp 16 Stonnen an kascht ëm déi 60€.

Eng lescht Méiglechkeet ass den Auto an dauert ongeféier 9 Stonnen. Wann's du eng Matfuergeleeënheet brauchst, dann fënns de sécher an eiser Facebook Grupp "LSW Mitfahrzentrale" een aneren Student, deen dech gären mat op Lëtzebuerg respektiv Wien hält.

Logement

Bei der Wunnengssich zu Wien ginn et méi Méiglechkeeten seng perfekt Studentewunneng ze fannen. Wien ass eng grouss Staat, do soll also fir jiddwereen eng Wunneng ze fannen sinn.

Falls de léiwer an eng schon bestoend WG zitts dann recommandéieren mer der d'Internetsäit "wg-gesucht", hei fënns de souwuel Lëtzebuerger wéi och Éisträicher déi eng Platz an enger WG ze verginn hunn.

Wann's du awer eng eegen WG grënnen wëlls oder eleng wunnen wëlls, recommandéieren mer der Internetsäiten wéi "immobilien.net" oder "immobilienscout24.at".

Eng weider Méiglechkeet bitt eis Facebook Grupp "LSW Willhaben", hei ginn souwuel am Summer, wéi och am Wanter Annonce gepost, wou ee e Matbewunner sicht oder engem seng Wunneng fräi gëtt.

Evenementer

Donauinselfest: Mat 3 Milliounen Visiteuren an dräi Deeg ass dësen Open-Air Museksfestival en vun den gréissten weltwäit. Donauinselfest fënnt normalerweis, all Joer, Enn Juni statt an d'Entrée ass fir näischt.

Sommernachtskonzert Schönbrunn: En gratis Concert, Mëtt Mee, vun der Wiener Philharmoniker am Schlassgaart Schönbrunn.

Rock in Vienna: Dësen Rockfestival huet 2015 fir éischten Kéier stattfonnt an schéngt ee groussen Erfolleg ze sinn. Och dësen Festival ass op der Donauinsel an et gëtt Musek an den Genren Rock an Metal gespillt.

Zu Wien fannen ausserdeem oft Concerte vun bekannten Museksgruppen oder Museker statt.

JE N'ÉTUDIE PAS UNIQUEMENT MON LOOK



Avec **axxess STUDY**, vous profitez de cartes de crédit, d'une carte de débit axxess valable partout en Europe, de solutions de financement pour vos études et de multiples autres avantages. Pour garder votre look et faire de votre parcours une réussite. Pour les jeunes de **18 à 30 ans** : conditions et infos sur **axxess.lu**

axxess STUDY
100% JEUNE. 100% VOUS.


SPUERKEESS



Kiki & Lou
Morgans




Nathalie
VIE i PEE



Christian
Loco



Mélanie
Volksgarten



Mira & Julie
VIE i PEE



Joe
Slammerbar



Jil, Lis & Alex
Horst



Vincent & Mick
Volksgarten



universität
wien

Universitätsring 1
1010 Wien, Österreich

D'Universität Wien ass
déi gréisst Universitéit
zu Wien mat bal
94 000 Studenten.

Et ass och ausserdeem déi eelsten Uni am
däitschsproochegen Raum. 2015 huet
d'Universitéit hiren 650 Gebuertsdag ge-
feiert.

D'Uni bitt den Studenten ënnerschid-
dlech Bachelorstudiëgänger, Diplom-
studiëgänger an Masterstudiëgänger.
Zu den Haaptstudienrichtungen zielen: Be-
triebswirtschaft, Publizistik- und Kommu-
nikationswissenschaft, Politikwissenschaft,
Psychologie, Pädagogik, Soziologie, Sports-
wissenschaft, Geschichte, Geographie, Bi-
ologie, Ernährungswissenschaften, avm.

Umellen kann een sech, ob dëser Univer-
sitéit, vun Juli bis Ufank September fir
d'Wintersemester, an Januar bis Mäerz, fir

d'Sommersemester. Wichtig heibäi ass, dass
net all Studienrichtung béid Semesteren
ugefaangen kann ginn.

Et ginn en puer Fächer fir déi een en
Opnamexamen absolvéieren muss. Eng
Lëscht mat den verschiddenen Studienrich-
tungen kënnt der op der Internetsäit vun
der Uni fannen.

Ënnert anerem gehéieren zu dësen Fäch-
er: Betriebswirtschaft, Internationale Be-
triebswirtschaft, Volkswirtschaftslehre,
Biologie, Pharmazie, Ernährungswissen-
schaft, Informatik, Wirtschaftsinformatik,
Psychologie, Publizistik- und Kommunika-
tionswissenschaft, Sportwissenschaft.

Telefonsnummer:
+43 1 42770

Internetsäit:
www.univie.ac.at



TECHNISCHE
UNIVERSITÄT
WIEN



Karlsplatz 13
1040 Wien, Österreich

D'Technesch Universitét Wien gouf 1815 vum Kaiser Franz I. gegrënnt. Unhand vun dëser Institutioun wollt hien Ingenieuren fir den Militär, den Biergbau an den Bau ausbilden.

TU Wien bitt iwwert 50 Studiëgänger un. Dorënner fallen ënnerschiddlech Bachelorstudiëgänger an Masterstudiëgänger.

D'Hauptstudiëgänger op der technescher Universitét Wien sinn: Architektur, Raumplanung, Bauingenieurwesen, Elektrotechnik, Mathematik an Informationstechnik.

D'Umeldung op der TU Wien leeft fir

D'TU Wien ass déi
gréissten technesch Uni
an Éisträich mat
méi wéi 42.000 Studenten.

d'Wantersemester, vun Ufank Juli bis September, an fir d'Summersemester, vun Januar bis Februar.



Telefonsnummer:
+43 1 588010

Internetsäit:
www.tuwien.ac.at





Welthandelsplatz 1
1020 Wien, Österreich

D'Wirtschaftsuniversität vun Wien ass 1898 gegrënnt ginn an ass eng staatlech Universität, mat méi wéi 23.000 Studenten.

Zanter dem Joer 2014, studéieren dës op engem fonkelneien an modernen Campus um Prater.

Den Campus WU gouf
vun 6 bekannten
Architektbüroen aus
der ganzer Welt gebaut.

D'WU ass als eng vun den beschten Business Schools an Europa klasséiert an déi gréissten Uni déi sech op Business an Ökonomie fokusséiert.

Säit 2013 ass en sougenannten Einstiegstest agefouert ginn, fir den Studenten en organisierten Studium garantéieren ze kennen.

Umeldung fir d'WU fänkt un mat enger Online Registréierung, déi een vun Ufank Mäerz

bis Mëtt Mai kann maachen. An weideren Schrëtt kann een sech dann definitiv fir d'WU umellen.

Insgesamt ginn et 2 Bachelorstudiëgänger: Wirtschafts- und Sozialwissenschaften an Wirtschaftsrecht. D'WU bitt awer och ëm déi 15 verschidden Masterstudiëgänger un.

Telefonsnummer:
+43 1 313360

Internetsäit:
www.wu.ac.at



MED.
UNIVERSITÄT
WIEN



MEDIZINISCHE
UNIVERSITÄT WIEN

Spitalgasse 23
1090 Wien, Österreich

D'Medizinische Universität Wien ass déi gréissten Medezin-Uni an Éisträich an ass eng vun den wichtegsten Fuerschungsinstitutionen an ganz Europa. Op dëser Universität kann een Humanmedizin an Zahnmedizin studéieren.

D'Meduni Wien stellt ausserdeem immens vill Personal fir d'Wiener AKH (Allgemeines Krankenhaus) dat gréissten Spidol an ganz Europa. D'Uni huet insgesamt 26 Universitätskliniken, dräi klinesch Instituter, 12 medezinorientéiert Zentren an eng grouss Unzuel un héichspezialiséierten Laboen.

Fir op der Meduni Wien Human- oder Zahnmedizin studéieren ze kënnen, muss

Mat ronn 8.000 Studenten ass d'Meduni déi gréissten Medezin-Uni am däitschsproochegen Raum.

een den **Opnahmetest MedAT** schreiwen an bestoen, respektiv sech géint d'Konkurrenz duerchsetzen an en méiglechst héicht Resultat erzielen.

Den Opnahmetest ass all Joer em ongeféier déi selwecht Zäit, dëst Joer war dësen den 06.07.2018. Déi genau Informatiounen zum MedAT 2019 an d'Fristen an Terminer ginn Enn Januar/Ufank Februar op dëser Säit publizéiert: www.medixinstudieren.at

Op der nächster Säit fënns de nach weider Informatiounen zum MedAT 2018 zesummegefaasst, dass du der den Oflaf virstellen an dech preparéieren kanns.



Telefonsnummer:
+43 1 401600

Internetsäit:
www.meduni.ac.at



MedAT - Opnahmetest Meduni Wien

Virbereedung

D'Léieren fir den Test ass jiddwerengem selwer iwwerlooss, mer rod den un den Biologie-, Chemie-, Physik- an Mathematikstoff vum der Première ze widderhuelen (virun allem och op Däitsch). Sech awer och déi offiziell Ennerlagen (Stichwortlisten, Online-Tests, etc.) ganz genau unzékucken an den Stoff ze léieren. Ausserdeem ginn et ganz vill verschidden Übungsbücher, Intensivcoursen etc., mer rod den un, do onbedéngt Rezessiounen an Bewäertungen liesen, fir onnéideg Ausgaben ze vermeiden.

Opbau MedAT 2018:

MedAT-H Humanmedizin:

40% BMS (Bio, Chemie, Physik, Mathematik)

40 Aufg.: Biologie

24 Aufg.: Chemie

18 Aufg.: Physik

12 Aufg.: Mathematik

40% KFF (Kognitive Fähigkeiten & Fertigkeiten)

15 Aufg.: Figuren zusammensetzen

25 Aufg.: Allergieausweise

10 Aufg.: Zahlenfolgen

10 Aufg.: Implikationen erkennen

15 Aufg.: Wortflüssigkeit

10% SEK (Sozial-emotionale Kompetenzen)

10 Aufg.: Soziales Entscheiden

10 Aufg.: Emotionen erkennen

10% TV (Textverständnis mit 12 Aufgaben)

MedAT-Z für Zahnmedizin:

30% BMS (Bio, Chemie, Physik, Mathematik)

40 Aufg.: Biologie

24 Aufg.: Chemie

18 Aufg.: Physik

12 Aufg.: Mathematik

30% KFF (Kognitive Fähigkeiten & Fertigkeiten)

15 Aufg.: Figuren zusammensetzen

25 Aufg.: Allergieausweise

15 Aufg.: Wortflüssigkeit

10 Aufg.: Zahlenfolgen

10% SEK (Sozial-emotionale Kompetenzen)

10 Aufg.: Soziales Entscheiden

10 Aufg.: Emotionen erkennen

30% MF (Manuelle Fertigkeiten)

2 Aufg.: Drahtbiegetest

5 Aufg.: Formen spiegeln

Den Opnahmetest entwéckelt sech vun Joer zu Joer weider, dowéinst rod mer der un Detailer virum Test nozesichen an sech gutt iwwert den Opbau ze informéieren.

Wichtig

Fir Humanmedizin: Als Lëtzebuerger gehéiert een zur Éisträicher-Quote. Dëst ass fir dech zum Virdeel, well vill Bewerber aus aneren EU-Länner méi schlecht Quoten hunn.

Fir Zahnmedizin: Leider ass een ab elo als Lëtzebuerger net méi an der Éisträicher-Quote fir dësen Studiengang, wat wahrscheinlech heescht dass een sech fir EU-Quote muss umellen. Fir och wierklech sécher ze sinn dass di Quoten-Ännerung 2019 an Kraaft trëtt, empfeelen mir dir am Januar/Februar op der Säit www.medizinstudieren.at die Info ze kontrolléieren.

Studium

Den Studium ass vun Ufank un praxisorientiert. Ennerhalb vun Kleingruppen (10-11 Studenten) gëtt dat ganz Joer interaktiv mat Tuteuren/Dokteren/Professoren iwwert den Stoff geschwat, sou dass et engem méi einfach fält alles ze verhal an et ze verstoen.

Veterinärmedizinische Universität Wien



Veterinärplatz 1
1210 Wien, Österreich



Telefonnummer:
+43 1 250770

Internetsait:
www.vetmeduni.ac.at

D'Haupttrecherchë vun dëser Uni sinn am Beräich vun der Veterinärmedizin, dem öffentleche Gesondheetswiesen an der Sécherheet vun de Liewensméttel. Baséiert gëtt sech hei op Wuelbefanne vun den Déieren, Déierenhaltung an Déiereschutz. Bachelor: Pferdewissenschaften, Veterinärmedizin an Biomedizin und Biotechnologie.

Universität für Bodenkultur



Gregor-Mendel-Straße 33
1180 Wien, Österreich



Telefonnummer:
+43 1 476540

Internetsait:
www.boku.ac.at

Hei ginn erneierbar Ressourcen am Zesammenhang mat Naturwëssenschaften, Technik an Ekonomie erfuerscht. Fir de Bachelor op dëser Uni kann een sënnert enger Reih vun Studiëgäng entscheiden: Landschaftsplanung- und Landschaftsarchitektur, Forstwirtschaft, Agrarwissenschaften an villes méi.

Universität für Musik und darstellende Kunst

Anton-von-Webern-Platz 1
1030 Wien, Österreich



Telefonnummer:
+43 1 71155

Internetsait:
www.mdw.ac.at

Dës Universitët ass déi gréisste Konschtuni an Éisterräich an déi gréisst Museksuni op der Welt. Héi studéieren 3000 Studente Komposition und Musiktheorie, Dirigieren, Tonmeister, Instrumentalstudium, Kirchenmusik, Pädagogische Studien, Gesang und Musiktheaterregie, Darstellende Kunst, oder Film und Fernsehen.

Universität für angewandte Kunst

Oskar Kokoschka-Platz 2
1010 Wien, Österreich



Telefonsnummer:
+43 1 711330

Internetsäit:
www.dieangewandte.at

“Die Angewandte” ass d’Nummer 1 fir kënschtlersch a wëssenschaftlech Recherchen a steet regelméisseg an Zesummenarbescht mat den weltwäit wichtigste Konschtinstitutiounen.

Hei huet een de Choix teschend: Architektur, Art & Science, Bildende Kunst, Sprachkunst an nach viles méi.

Akademie der bildenden Künste

Schillerplatz 3
1010 Wien, Österreich



Telefonsnummer:
+43 1 588161818

Internetsäit:
www.akbild.ac.at

Un dëser Konschtuniversitéit gëtt engem d’Léieren an d’Recherchéieren duerch verschidden ästhetesch Phänomener a Wierker bäibruucht.

D’Praxis an d’Denkformen erhält een a verschiddene Bachelorstudiengäng: Bildende Kunst, Bühnengestaltung, Architektur, Künstlerisches Lehramt.

Nieft dëser Auswahl vun Universitëiten zu Wien, ginn et nach vill weider Universitëiten an Fachhéichschoulen an der éisträichescher Hauptstadt. Eng Lëscht mat all dësen Institutiounen kann een ënnert folgendem Link fannen:
www.studieren.at/wien-studien-unis-fhs

SPORT
INSTITUT
WIEN

Auf der Schmelz 6A
1150 Wien
+ 43 1 427717001
www.usi.at

D'Universitätssportsinstitut (USI) Wien bitt eng grouss Unzuel un Sportaarte un, vu Fussball a Basket iwwert Pilates a Yoga bis zu verschidden Danzarten oder Schilaanglaf. Do ass also sécher eppes fir jiddwereen dobäi an dat ganz och nach zu studentefrëndleche Präisser.

Umeldungen fir d'Wintersemester fänken Mëtt September un. Fréi un sinn lount sech, well verschidde Sportaarten ewéi Fussball sinn innerhalb vu wéinege Stonne aus-

gebucht. Dowéinst roden mer iech un, sech schonn am viraus gutt ze informéieren, fir bei der Umeldung nëmmen keng Zäit ze verléieren.

Dat ganz Kursangebot, Umeldungszeiten an weider Informatiounen fannt der op der Internetsäit: www.usi.at



1975
in business since

D'Aufgab vum LSW besteet doranner, d'Letzebuenger Studenten ze beroden, ze ënnerstëtzen an se zesummen ze bréngen.

2017/2018:
295 aktiv LSW Memberen


Eist Ziel ass et d'Letzebuenger Studenten vun Wien am In- an Ausland ze vertrieeden. Dat heescht awer natierlech net, dass mir eis nëmmen op Letzebuenger Bekanntschaften beschränken.

hirem Studium, wéi och virdrun an duerno zur Sait ze stoen.

Et ass eis wichteg den Letzebuenger Studenten zu Wien bei Problemer an Froen ze hëllefen an hinnen souwuel während

Et kommen ëmmer méi Letzebuenger Studenten ob Wien, wouduerch mer natierlech och ëmmer méi Memberen kréien an eist Angebot un Evenementer probéieren ze erhéijen an ze verbesseren.

Letzebuenger Studenten zu Wien



DU HUES ENG FRO ZUM STUDIUM ODER DER UNI



MIR SINN D'ACEL, DE STUDENTEVERTRIEDER ZU LËTZEBUERG!

Mir si fir dech do:
virun, während an no dengem Studium.

Mam **GUIDE DU FUTUR ÉTUDIANT & DIPLÔMÉ** hues du all
d'Infoen fir de Start an den Ofschloss vun dengem Studium.
Beim **STUDENT FIR 1 DAG** weise mir dir deng zukünfteg Uni.



Mir verrieden deng Rechter an Interessen, wéi zum Beispill
bei der **STUDENTEBOURSE** oder dem **GRATIS ÉFFENTLECHEN
TRANSPORT**.

Mir organiséieren **DE STUDENTEBAL**, gréissten Open-Air Bal
fir Studenten, ewéi och den **TOURNOI DE NOËL**. Allebéid brén-
gen déi iwwer 40 Cercles an hier Memberen zesummen.



acel.lu



contact@acel.lu



[acel.lu/fb](https://www.facebook.com/acel.lu/fb)



Nieft eiser Aufgab, den Studenten am Laaf vun hiren Studien zur Säit ze stoen, stinn beim LSW eng ganz rei Evenementer am Laaf vum Joer um Programm.

Lass geet et Ufank Oktober mat eiser Welcome Party fir de Semesterufank ze feiern. Déi nei Studenten kennen an enger gemittlecher Atmosphär aner Studente kennelëieren. Ab do hunn d'Leit och d'Méiglechkeet eng Memberskaart ze kafen, mat der verschidden Evenementer schonn bezuelt sinn (Welcome Party, Daaf, Beachvolleyball-tournoi, asw.), de Student an den Email-Verdeeler kënnt, iwwert aktuell Evenementer informéiert gëtt an wichteg Noriichten kritt.

Als Zweet fënnt am November eis Daf statt, bei der et sech em en Rallye duerch Wien handelt, wou déi nei Studente a Gruppen opgedeelt ginn. Zum Schluss gëtt d'Daf mat enger klenger Feier an engem vun eisen Stammlokaler ofgeronnt. Dëst ass eng weider Geleeënheet d'Stadt an aner Studenten besser kennenzelëieren.

Am Dezember feiern mir op eng extra Aart an Weis zesammen de Kleeschen. An eise Stammlokal, den Weberknecht, deen mat enger eegener Bar fir e gudden Ambiente suergt, organiséieren mir een Pubquiz. Hei trieden eis Studenten an verschid-

denen Ekippen géinteneen un an testen hiert Wëssen an allen méiglechen Beräicher. En zweeten Pubquiz gëtt am Laaf vum Fréijoer organiséiert.

Am Mäerz steet dann eis Assemblée Générale um Programm wou den neien Comité vun all de Memberen gewielt gëtt an de Bilan vum Joer gezunn gëtt. Zum Schluss steet dann och eng oppen Diskussioun fir Virschléi oder Kritik un.

Am Summer feiern mir eist grousst Sau-Fest op der Donauinsel, wou den LSW fir Drénken an eng knuspereg Sau suergt. Dëst Event ass all Joer en Highlight mat iwwer 500 Leit. Mëttlerweil ass d'Saufest sou beléift, dass den LSW eng Intercerle draus gemaach huet. Dat bedeit, dass Lëtzeburger Studenten aus allen Stied bei eis op Wien kommen an all zesammen en flotten Weekend verbréngen. Och um Programm: eng Besichtigung vun der Staat an en Owesiesen an engem traditionellen Wiener Lokal.

Natierlech participéieren mer och des Èfteren un Intercerlen an aneren Unisried. Nieft engem Ausflug op d'Oktobersfest mam LSM, waren mer läscht Joer och op Innsbruck bei den LSI op den Ugly Skiing Day.

D'läscht Joer hunn mer och een Béier-



pong Tournoi mat an den Programm eran geholl.

Ausserdeem ginn och sportlech Aktivitéiten organiséiert wéi zum Beispill eisen Beach-volleyball Tournoi zu Wien, wou de Gewënner natierlech eng Corbeille kritt.

E weidert grousst Sportsevenement ass den Tournoi de Noël, wou den LSW all Joers am Basket, Fussball an Volleyball eng Equipe umellt.

Och zu Lëtzebuerg si mir vertrueden duerch eisen Hüttenzauber, deen dëst Joer an Form vun enger Après-Ski Party an der Aula war.

Am Summer organiséieren mer och zwee méi kleng Evenementer wou mer zesummen op den Stauséi an op d'Fouer ginn. Ausserdeem sinn mir um ACEL Studentebal vertrueden. Souwéi op der Foire de l'Etudiant, wou mer jiddwereen gären iwwert d'Studienméiglechkeeten zu Wien an alles wat zum Studenteliewen dozou gehéiert informéieren.

Sou kënnen mer behaapten, dass fir all Student eppes dobäi ass. Falls de nach weider Froen hues, wat eis Memberskaart ugeet, een vun eisen Evenementer oder och aneren Themen hues, dann zéck net dech bei eis ze mellen.





Lou Pepin
President
Germanistik, Uni Wien



Smail Suljic
Vizepräsident
POWI, Uni Wien



Ciara Daleiden
Sekretärin
Publizistik, Uni Wien



Maxime Vandermunttert
Tresorier
Humanmedizin, MedUni



Fred Adams
Responsable Sport
Geografie, Uni Wien



Mick Lindé
Merchandise
POWI, Uni Wien



Edvin Ceman
Sponsoring
Tourismus, Uni Wien



Michelle Dammé
Grafik Design
Soziologie, Uni Wien



Stephan Kneip
Eventmanager
BWL, WU



COMITE 2018/2019



Michel Lambert
Webmaster
Raumplanung, TU



Paul Meyer
Coopté
IBWL, WU



Annick Bach
Coopté
Publizistik, Uni Wien




SOU GEET FAMILY SPIRIT **ZANTER BAL 171 JOER:**

Et goud **deemols** ganz kleng un, matt enger Tubaaksmanufaktur bei der Groussgaass ëm den Eck, déi de Jean-Pierre Heintz a seng Fra Joséphine Van Landewyck gefouert hunn. Du koum eng zweet, an dunn eng drëtt Fabrik, bis hire Fils, de Jos, se alleguerten an der Hollerecher Strooss zesummegeluecht huet.

Haut läit onse Siège ëmmer nach zu Hollerech, mä mir hunn entretemps zwou grouss Fabriken hei am Land, an eng hallef Dosen anerer an Europa. An Heintz van Landewyck ass ëmmer nach e Familljebetrieb, dee säin Tubak selwer verschafft an hausgemaache Lëtzebuurger Wuer uechter d'Welt exportéiert.

Sechs Generatiounen hu schonn dozou bäigedroen, aus onsem Familljebetrieb eng weltwäit vertruede lëtzebuergesch Firma ze maachen. Jonk Leit matt frësch Iddien an engem Sënn fir de Genoss: **Dat bréngt ons virun, säit 1847**

Kandidature, fir Deel vun onsem Team ze ginn, huele mir matt Freed entgéint op mherkes@lag.lu



Landewyck haut:

171

years

40

partners worldwide

5

production sites

1800

employees

26

brands



LANDEWYCK TOBACCO S. A.

31, rue de Hollerich – L-1741 Luxembourg | Grand Duchy of Luxembourg | P. O. Box 2202 – L-1022 Luxembourg
Tel.: (+352) 49 39 39-1 | Fax: (+352) 49 39 39-409 | E-mail: info@landewyck.com | www.landewyck.com

WIENERISCH



Servus, Grüß Gott
Baba
heuer
Jänner
Feber

Trafik
Tschick
Friedhofsspargel

Gespritzter

Krügel
Doppler
Sechzehna

Kracherl

Tschecherant
fett
zua sein

restfett
Gössermuskel
Hansl

Sackerl
Kassa
Schanigarten
Babyschaas
Faschiertes

- Moien
- Äddi
- dëst Joer
- Januar
- Februar

- Tubaksbuttek
- Zigarett
- Zigar

- Wäin mat Sprudelwaasser
- 0,5l Béier
- 2l Wäinfläsch
- eng Dous Ottakringer Béier
- Limonad mat Spruddel
- Alkoholiker
- besoff
- sou voll sinn datt een net méi schwätze kann
- am Solper
- Béierbauch
- waarme Rëscht vum Béier

- Akaafstut
- Kees
- Terrasse
- séissen Moschter
- Gehacktes

Hendl
Kipfer

Semmel
Erdäpfel
Kukuruz
Marille
Maroni
Melanzani
Paradeiser
Schwammerl
Palatschinken
Obers
Häferl
Topfen
Zuckerl

Bim/Tram
Spital
Nachzipf
Münzkaribik
Bussi/Busserl
gpsusi
Gspäßlabern, Tutteln
Nudelfriedhof
leiwand
deppert
fesch
schiech
ur (z.B Urgeil)
kommod
gschlant
miselsüchtig
abpaschen
grausen

wuzeln
sudern
blunzen
wacheln
Pallawatsch
Schmäh

- Poulet
- Croissant aus Brioche
- Bréitchen
- Gromperen
- Mais
- Aprikos
- Käschten
- Aubergine
- Tomat
- Champignon
- Paangech
- Ram
- Taass
- wäissen Kéis
- Kamell

- Stroossenbunn
- Spidol
- Noexamen
- Solarium
- Kuss
- Techtelmechtel
- Brëscht
- Prostituéiert
- gutt
- blöd, domm
- schéin, attraktiv
- ellen
- mega
- bequem
- gutt ugedoen
- depressiv
- fortlafen
- sech virun Eppes eekelen
- Kicker spillen
- jéimeren
- egal
- wénken
- Duercherneen
- Witz



Editeur

Lëtzebuerger Studenten Wien

Site: www.lsw.lu

Kontakt: lsw@lsw.lu

Redakteren

Daleiden Ciara

Dammé Michelle

Johann Gilles

Pepin Lou

Vandermuntert Maxime

Layout an Design

Dammé Michelle

Fotoen

Ceman Edvin

Dammé Michelle

Johann Gilles

Pepin Lou

Sponsoring

Ceman Edvin

Editoun N°4

Original 2015-2016

